

**PRK kerusi parlimen pasca PRU-14 di Sabah: P186-Sandakan, P176-Kimanis,
P185-Batu Sapi dan darurat**

ABSTRAK

Kertas kerja ini mengetengahkan perbincangan tentang pelaksanaan mahupun penangguhan Pilihanraya Kecil (PRK) di Sabah dalam era pasca Pilihanraya Umum ke-14 (PRU-14) dan kaitannya dengan pelaksanaan Perintah Kawalan Pergerakan (PKP) serta darurat. Secara khusus, kertas kerja ini membincangkan secara mendalam pelaksanaan PRK di P186 Sandakan dan P176 Kimanis. Selain itu, kertas kerja ini juga membincangkan tentang penangguhan PRK bagi kerusi P185 Batu Sapi. Perbincangan berkaitan PRK ini didasarkan kepada hakikat bahawa usaha memahami latar belakang sesebuah kawasan pilihanraya adalah sangat penting dalam konteks perjalanan sesebuah pilihanraya umum. Ini bagi memastikan tahap pemahaman lebih menyeluruh tentang proses perjalanan pilihanraya, keputusan pilihanraya dan isu-isu yang berkaitan dengan pilihanraya tersebut. Justeru itu, adalah diharapkan supaya kertas kerja ini mampu memberi kefahaman kepada para pembaca tentang aspek tersebut.